

მოსწავლეთა 72-ე სასწავლო-შემოქმედებითი კონფერენცია

სექცია: გეოგრაფია-გეოლოგიისა და ტურიზმის სექცია

თემა: რატომ ქვემო ქართლი?

ქალაქი: ქუთაისი (იმერეთი)

ავტორები: ბუბა ჯულაყიძე

გიორგი გოგია

სკოლა: სსიპ გენერალ გიორგი კვინიტაძის სახელობის კადეტთა სამხედრო ლიცეუმი

კლასი: მე-12

თემის ხელმძღვანელი: ზინა ბუბუგეიშვილი

თარიღი: 2017-2018 სასწავლო წელი

- 1.შესავალი
- 2.ქვემო ქართლის ისტორიულ-გეოგრაფიული დახასიათება . გვ.2
- 3.ბოლნისის სიონი გვ.3
- 4.ღმანისის სიონი გვ.4
- 5.პეტრესა და პავლეს სახელობის ეკლესია გვ.5
- 6.ტანძია გვ.6-7
- 7.ქვეში გვ.8-9
- 8.მანგლისი გვ.10
- 9.ღაშბაში გვ.11
- 10.წალკის წყალსაცავი გვ.12
11. ქვემო ქართლი- პრობლემები და განვითარების პერსპექტივები გვ.13
- 12.დასკვნა გვ.14

გამოყენებული ლიტერატურა

1. ქართული ციხე-სიმაგრეები და ეკლესია-მონასტრები თბილისი 2008 (შუბითიძე, მაჭარაშვილი ბოლქვაძე)

2. saunje.ge

3. <http://ka.wikipedia.org/wiki>

4. www.google.ge

5. <http://kvemokartli.gov.ge>

6. <http://elitetravel.ge>

რეცენზია: თემა „ რაგომ ქვემო ქართლი?“ ასახავს იმ ექსკურსია-პროექტს, რომელიც განახორციელა კადეტთა ლიცეუმმა საგანმანათლებლო პროექტის ფარგლებში: „ შეიცან საქართველო შენი“. მასში განხილულია ის გურისგული ობიექტები, რომლებიც კადეტებმა მოინახულეს, გადმოცემულია ის ემოციები და შთაბეჭდილებები, რაც ამ მხარის ნახვისას დაეუფლათ.

თემის ავტორები: ბუბა ჯულაყიძე და გიორგი გოგია აღნიშნავენ, რომ სამ ეტაპად განხორციელებული ექსკურსია-პროექტი ძალიან საინტერესო მრავალფეროვანი იყო. მათ დაათვალიერეს : ბოლნისის სიონი, ღმანისის ნაქალაქარი, წულრულაშენი, ელიას მთა, განძია, ქვეშის ცისე, მანგლისის სიონი, ღაშბაშის კანიონი და წალკის წყალსაცავი.

საკონფერენციო ნაშრომში ნათლად ჩანს მოსწავლეების დაინტერესება მშობლიური კუთხით, აღფრთოვანება ბუნების იმ სიმშვენიერით, რამაც მათი აღტაცება გამოიწვია--განსაკუთრებით ღაშბაშის კანიონის მონახულებისას და გამოთქმევს სურვილი, რომ ახლა სხვა მეგობრებთან ერთად მოინახულონ ეს ადგილი, ატვირთონ სოციალურ ქსელში ფოტოები, რათა დაინტერესება თანატოლების მხრიდან მეტი იყოს. ამ პროექტის არსიც ხომ ეს იყო.თუმცა არც პრობლემები დარჩენიათ ყურადღების მიღმა. დაინახეს და გამოკვეთეს ის საკითხები, რომელიც აწუხებს ამ რეგიონს და შემოგვთავაზებს მათი გადაჭრის გზები.

თემას თან ახლავს ექსკურსიის ამსახველი ფოტო და ვიდეო მასალა (სლაიდ-შოუ). ნაშრომი არის შემოქმედებითი და ანალიტიკური თვალსაზრისით საინტერესო და იმსახურებს კონფერენციაზე წარდგენას ქვემო ქართლის რეგიონის კიდევ უფრო მეტი პოპულარიზაციის მიზნით.

თემის ხელმძღვანელი:

/ ზ. ბუბუგეიშვილი/

საქართველო ღვთისმშობლის წილხვედრი ქვეყანაა, ეს პაგარა კუთხე-კუნჭული, რომელიც 69.700 კმ² მოიცავს, სავსეა მრავალფეროვნებით. მასში გაერთიანებულია გამწვანებული მდელოები და გადათეთრებული მთები, ცხოველთა და მცენარეთა ენდემური სახეობები, დაცული ტერიტორიები და კულტურული მემკვიდრეობა. ამიერკავკასიის ამ პაგარა ნაწილს ვაზის სამშობლოს უწოდებენ, რომელიც არა თუ ბუნების სილამაზით, არამედ ხალხის სტუმართმოყვარეობითაც გამოირჩევა, მიუხედავად ტექნოლოგიური განვითარებისაგან შექმნილი ეკოლოგიური პრობლემებისა,საქართველოში მაინც არის

შენარჩუნებული ის ჰავა, რომელიც სასარგებლოა ჯანმრთელობისთვის, მეტიც, ჩვენ გვაქვს ისეთი კურორტები, რომლებიც არა მარტო საქართველოში, არამედ უცხოეთშიც პოპულარობით სარგებლობს, აქ ერთმანეთთანაა შეზავებული მთისა და ზღვის ჰავა. ამიტომ, ბუნებრივია, რომ დაინტერესება საქართველოსადმი ტურისტების მხრიდან ღიძია, თუმცა უნდა ითქვას, რომ მათთვის პოპულარულია უფრო მთის ან ზღვის კურორტები, რადგან ეს ადგილები უფრო კეთილმოწყობილი და კომფორტულია, ხოლო ისეთი რეგიონი, როგორიცაა ქვემო ქართლი ნაკლებ პოპულარულია.

საქართველოს კუთხეების უკეთ გაცნობის მიზნით ლიცეუმში მიმდინარეობს პროექტი „შეიცანი საქართველო შენი“, რომელშიც მონაწილეობს 12 სასწავლო ჯგუფი. ჩვენმა სადამრიგებლო ჯგუფმა შეარჩია ქვემო ქართლის რეგიონი, რომელშიც არც არავინ შეგვცდილებია, ამის მიზეზი კი ის გახლდათ, რომ იგი არა მხოლოდ უცხოელებისათვის, თვით ქართველებისთვისაც კი ნაკლებად პოპულარული და ცნობილია. ლიცეუმში ჩატარებული კვლევის თანახმად, რომელშიც ყველა სასწავლო ჯგუფი მონაწილეობდა (300 კადეტი), ამ მხარით დაინტერესება მხოლოდ 2%-მა გამოთქვა, დანარჩენებს სურდათ უფრო „პოპულარული“ რეგიონის (კახეთის, სვანეთის, მონახულება. არადა სწორედ ამ რეგიონში მდებარეობს ბოლნისის სიონი, რომელიც გამორჩეულია უძველესი წარწერით, ღმანისის ნაქალაქარი, სადაც უძველესი ჰომონიდების: ზემვასა და მზიას თავის ქალებია აღმოჩენილი და სხვა მრავალი ღირსშესანიშნაობები, რომელთა შესახებ ჩვენ დღეს ვისაუბრებთ. სწორედ ამიტომ ჩვენ დავგეგმეთ ექსკურსია ქვემო ქართლში. მოვინახულეთ ციხესიმაგრეები, ეკლესია-მონასტრები, ღირსშესანიშნაობები და სხვ. მრავალი, გავეცანით რეგიონის პრობლემებს, ვიმსჯელეთ მათი გადაწყვეტის გზებზე და ჩამოვაყალიბეთ ჩვენი ხედვა ამ რეგიონის ტურისტული განვითარების პოტენციალზე. მხარის შესწავლა დავიწყეთ მისი ისტორიის და გეოგრაფიული თავისებურებების შესწავლით ქვემო ქართლი ანუ გაშირ-ძორაგეტის სამეფო ან ლორეს სამეფო შეიქმნა 978 წელს, სამეფოს დაამარსებლის გურგენის, იმავე კორიკეს, (კვირიკეს) სახელის მიხედვით კვირიკიანების ქვემო ქართლის ტერიტორიაზე სამეფოსაც უწოდებენ. ლორე-გაშირი საუკუნეების მანძილზე ქართველი და სომეხი მმართველების ხელიდან ხელში გადადიოდა, თუმცა უმეტესად საქართველოს შემადგენლობაში შედიოდა, მაგალითად, იქ შემორჩენილია ქართული მაგერიალური კულტურის ძეგლები და საფლავები, რომლებზეც ქართველთა ნაკვალავი მკვეთრადაა შემონახული. ეს ძეგლებია: ახტალა, ლორეს ციხე, ქობერი, ოსიკაპრი და სხვ. მათგან რამდენიმე მონასტერი იუნესკოს კულტურული მემკვიდრეობის დაცვის ძეგლთა ნუსხაშია შეტანილი.

ეს სომხურ-ქართული სამეფო დასახლებული იყო ქალკედონურ-გრიგორიანული რწმენის მოსახლეობით, სამეფოს კი შირაკის ბაგრატიონთა დინასტიის გვერდითი შტო - კვირიკიანების დინასტია

მართავდა. სომხურ საისტორიო წყაროებში აღნიშნული სამეფო "გუგარქის" სახელით მოიხსენიება. გაშირ-ძორაგეგის სამეფო განსაკუთრებით გაძლიერდა დავით უმიწაწყლოს მმართველობის ხანაში (989—1048), როდესაც სამეფოს ტერიტორია მნიშვნელოვნად გაფართოვდა თბილისისა და განჯის საამიროთა ხარჯზე და კვირიკიანმა მეფეებმა ცნობილი ქართული ციხესიმაგრე სამშვილდე თავის რეზიდენციად აქციეს, თუმცა 1065 წელს სამშვილდე ბაგრატ IV-მ აიღო და საქართველოს შემოუერთა, ამიგომ სამეფოს პოლიტიკურმა ცენტრმა ლორეში გადაინაცვლა. დავით აღმაშენებელმა სელჩუკებისაგან გათავისუფლებული ლორე 1122 წელს აიღო და გაშირ-ძორაგეგი უშუალოდ საქართველოს შემოუერთა და სომეხ ფეოდალ მმართველთა საგვარეულო გააუქმა. ისტორიულად ქვემო ქართლის ეს მხარე, როგორც საქართველოს განაპირა ნაწილი, სამართავად გადაეცათ სრულიად საქართველოს მხედართმთავრებს ჯერ ორბელებს, ხოლო 1185 წლიდან მხარგრძელებს. 1918 წლიდან სომხეთი გვეცილებოდა ლორეს ოლქს, ინგლისის ჩარევის გამო ბორჩალოს მაზრა გაიყო სამ ნაწილად, სადაც მორიგეობით იღვა ქართულ-სომხური ჯარები, რითაც ისარგებლეს რუსებმა 1921წ და მოაწყვეს პროვოცირებული აჯანყება საქართველოს წინააღმდეგ, რასაც მოჰყვა ჩვენი ქვეყნის გასაბჭოება. 1922 წლიდან ლორე-გაშირი საბჭოთა მთავრობამ სომხეთს გადასცა¹

შევეცდებით მოკლედ განვიხილოთ და აღვწეროთ ქვემო ქართლი. ის საქართველოს სამხრეთ-აღმოსავლეთ ნაწილში მდებარეობს. რეგიონს დასავლეთით ესაზღვრება სამცხე-ჯავახეთი, ჩრდილოეთით-თბილისი, შიდა ქართლი და მცხეთა-მთიანეთი, აღმოსავლეთით-კახეთი, სამხრეთ-აღმოსავლეთით - აზერბაიჯანი, ხოლო სამხრეთით-სომხეთის რესპუბლიკა. ქვემო ქართლის ფართობი 6,5 ათასი კვ.კმ-ია ანუ დაახლოებით ქვეყნის 9 პროცენტი. აქედან გამომდინარე, ფართობის სიდიდით ხუთეულში შედის. ასევე აღსანიშნავია მისი მოსახლეობის სიდიდე -497 ათასი კაცი, ანუ საქართველოს 11 %. ეს რეგიონი გამორჩეულია საკმაოდ ჭრელი ეთნიკური ჯგუფებით. მოსახლეობის 45 % ქართველია, თითქმის ამდენივე აზერბაიჯანელი, 6 % სომეხი, ხოლო დანარჩენი აფხაზი, ოსი, რუსი, ბერძენი, უკრაინელი და ქურთი. მოსახლეობის სიმჭიდროვე 1 კვ.კმ-ზე 76 კაცია. მხარის ადმინისტრაციული ცენტრია რუსთავი. რეგიონი მოიცავს 347 დასახლებულ პუნქტს: 7 ქალაქს, 6 დაბას და 334 სოფელს, რაც ნაწილდება ბოლნისის, გარდაბნის, დმანისის, თეთრიწყაროს, მარნეულისა და წალკის მუნიციპალიტეტებში. რაც შეეხება ფიზიკურ-გეოგრაფიულ მახასიათებლებს: ქვემო ქართლი განლაგებულია ნახევრად უდაბნო, მშრალი სუბტროპიკული და მაღალმთიანი ალპური ზონის საზღვრებში. მის ლანდშაფტს ძირითადად ველები და ტყე-ველები შეადგენს. მარნეულის ვაკე ადგილებში ვხვდებით

¹ www.google.ge

ნახევარუდაბნოსათვის დამახასიათებელ მცენარეულ საფარს, მტკვრის ჭალებში კი ვხვდებით ჭალის ტყეებს.²

რეგიონის შესწავლის მიზნით, ჩვენმა სადამრიგებლო ჯგუფმა ქვემო ქართლში განახორციელა 3 ექსკურსია: პირველ ჯერზე მოვინახულეთ ბოლნისის სიონი და ღმანისი, შემდეგ – წულრულაშენის ეკლესია, ელიას მთა, ტანძია და ქვეშის ციხე, ხოლო მე-3 ჯერზე ვინახულეთ მანგლისის სიონი, დაშბაშის კანიონი და წალკის წყალსაცავი. შევეცდებით გადმოგცეთ ის შთაბეჭდილებები თუ მოპოვებული ინფორმაცია, რაც გვაქვს ამ მხარის შესახებ.

ბოლნისის სიონი გახლავთ ის არქიტექტურული ძეგლი, რომელიც მცენარეულ და გეომეტრიული სახეებთან ერთად, სასანური ხელოვნების წრესთან ნათესაობას ამჟღავნებს, გვხვდება ქრისტიანული სიმბოლოს-ჯვრის სხვადასხვაგვარი გამოსახულებანი. ერთ-ერთი „ბოლნური ჯვრის“ სახელითაა ცნობილი.

ბოლნისის სიონში, პირველად ქართულ არქიტექტურაში, გვხვდება აგრეთვე რელიეფური სკულპტურული გამოსახულებანი(ხარის თავი, სხვადასხვა ფრინველი და ცხოველი), რომლებიც წინაქრისტიანულ ხანასთანაა დაკავშირებული, მაგრამ შეთვისებულია ქრისტიანული სარწმუნოების მიერ.

ეკლესიის გვერდით, სამხრეთ-დასავლეთით, ღვას XVII საუკუნის სამრეკლო 1936-1939წლებში ჩატარებულ სამუშაოთა შედეგად ძეგლი გათხარეს, შეაკეთეს, გადახურეს და გაამაგრეს. 1967-1969წწ. უძველესი წარწერის პირი ჩადგეს თავის ადგილას, დააგეს ქვის ახალი იატაკი. ბოლნისის სიონში გაჩაღებული იყო მწიგნობრული საქმიანობა. ცნობილია ბოლნელ ეპისკოპოსთა ინიციატივით დამზადებული ხელნაწერები. X-XI საუკუნეებში იქ მოღვაწეობდა იოანე ბოლნელი.

ღმანისის სიონი – VI საუკუნის ქართული ხუროთმოძღვრების ძეგლი სამეკლესიანი ბაზილიკის ტიპისა, სოფ. პაგარა ღმანისის მახლობლად, ნაქალაქარ ღმანისში. საშენი მასალისა და მორთულობის ხასიათით უახლოვდება ბოლნისის სიონსა და ქვემო ბოლნისის სამეკლესიან ბაზილიკას. გაძარი შიგნიდან მოხატული ყოფილა – საკურთხეველში შემორჩენილია წმინდანთა გამოსახულებანი და წარწერები. მოგვიანებით, 1213-1222 წლებს შორის, ლაშა-გიორგის მეფობაში დასავლეთიდან გაძრისათვის მდიდრულად მოჩუქურთმებული კარიბჭე მიუშენებიათ, კარიბჭის ერთ-ერთ წარწერაში მოხსენიებულია ლაშა-გიორგი.

დმანისის სიონის აღმოსავლეთ მხარეს აღმართულია გეგმით ოთხკუთხა სამრეკლო, ჩრდილოეთ-აღმოსავლეთით წმ. მარინეს მცირე მომის ერთნაგვიანი ეკლესიაა, რომელიც, წარწერის თანახმად, განახლებულია 1702 წელს, დმანისის სიონთან ერთად მოვინახულებთ დმანისის უძველეს ადამიანთა ნაქალაქარიც.³

დმანისი - (ყოფილი *ბაშკიჩეთი*, გადაერქვა 1947 წლის 18 მარტს) — მდებარეობს დმანისის ვულკანურ პლატოზე, მდინარე მაშავერის ორივე ნაპირზე, დმანისის ტერიტორიაზე VI-VIII საუკუნეებში მცირე დასახლება იყო, სადაც საეპისკოპოსო კათედრალი მდებარეობდა. როგორც ქალაქი, წყაროებში პირველად IX საუკუნეში იხსენიება, ამ დროს მას არაბები ფლობდნენ. XI ს-ის 80-იან წლებიდან სელჩუკთა ხელშია, 1123 წელს დავით IV აღმაშენებელმა გაათავისუფლა. დმანისი განსაკუთრებით დაწინაურდა XII-XIII სს-ში. XVI ს-დან ქალაქი დაცემის გზაზეა, მოიშალა ეკონომიური ცხოვრება, შემდეგ კი სულ გაპარგახდა და გაუკაცრიელდა. 1924-1947 წლებში მას ბაშკიჩეთი ეწოდებოდა. ოფიციალურად ქალაქად გამოცხადდა 1981 წელს. მოსახლეობა 3,4 ათასი (2002წელს) ⁴

თანამედროვე დმანისის ახლოს არის ამავე სახელწოდების ქალაქი-სიმაგრის ნანგრევები (VI-XV სს.), სახლების, ქუჩების, ღვინის სარდაფებისა და სხვა ობიექტების ნაშთები. დმანისის არქეოლოგიური შესწავლა 1936 წლიდან დაიწყო და დღემდე გრძელდება. აქ აღმოჩენილია ევროპაში ყველაზე ძველი ადამიანის ნაკვალევი — თავის ქალა, რომლის ასაკი 1,6 მილიონი წლით განისაზღვრება, მათ მოგვიანებით ჰომო გეორგიკუს შეარქვეს. დღესდღეობით უკვე ხუთი თავის ქალაა აღმოჩენილი.⁵

პირველი ექსკურსიის შემდეგ მოუთმენლად ველოდით ჩვენი პროექტის შემდგომ ეტაპს. შემართებაც მეტი იყო და დაინტერესებაც. მეორე ექსკურსიის მარშრუტი ასე გამოიყურებოდა: წულრულაშენი-ელიას მთა-განძია და ქვეშის ციხე. წულრულაშენი XIII ს ქართული ხუროთმოძღვრების ძეგლია, ეკლესიაში წარწერებში მოხსენიებული არიან მეფე ლაშა-გიორგი და ეკლესიის მშენებელი ჰასან არსენის ძე, ჩრდილოეთით მიშენებული აქვს საგვარეულო საძვალე-ეგვგერი, ეს არის საქართველოში ერთადერთი გაძარი, რომელსაც ყველაზე მაღალი გუმბათის ყელი აქვს მისი ნახვისას არაამქვეყნიური სიმშვიდე გეუფლება, დასახლებული მოშორებით მდგარი გაძარი, ბერების ჩუმი ფუსფუსი, გამეფებული სიმშვიდე სულიერად გავსებს და გამშვიდებს გაძრის მდიდარი ჩუქურთმები და განსაკუთრებული სიფაქიზით გამოყენებული ფერადი ქვები: ოქროსფერი, ღვინისფერი და ცისფერი კი ამ ემოციას უფრო ამძაფრებს.

³ <http://ka.wikipedia.org/wiki>

⁴ <http://elitetravel.ge>

⁵ -saunje.ge

გაძრიდან გემი ავიღეთ ელიას მთაზე ახლად აგებული პეტრე-პავლეს ეკლესიისკენ, შთაბეჭდილებებით დახუნძლულს თუ კიდეც რაიმე გაგვაკვირებდა ვერ წარმოვიდგენდი, მაგრამ ჩვენს ემოციებს საზღვარი არ ჰქონდა, როცა ელიას მთას მივუახლოვდით, გრანდიოზული და ღიღებული ამაყად დგას ელიას მთაზე, გაძრიდან საოცარი ხელი იშლება ხელისგულივით ჩანს მთელი მიდამო, რომელიც ნისლში იყო გახვეული, გვეგონა თითქოს ღრუბლებს ზემოთ ვიყავით, თუ წულრულაშენმა თავისი არქიტექტურითა და სიმშვიდით მოგეხიბლა, პეტრე-პავლეს გაძარმა გრანდიოზულობითა და ბურუსით დაგვატყვევებ, არადა ეს გაძარი სულ ახლახანს აშენდა და საბუშაოები დღესაც გრძელდება.

ბოლნისში მდებარე წმინდა პეტრესა და პავლეს სახელობის ეკლესია, კვარცხლბეკივით ამალღებულ მთაზეა აგებული. გადმოცემით, ამ ადგილს წმინდა ელიას მთას ეძახდნენ. აქ ოლითგანვე გაძარი იდგა, რომელიც წმინდა პეტრე და პავლე მოციქულების სახელობის ყოფილა. ბოლნელი ეპისკოპოსის მეუფე ეფრემის ლოცვა-კურთხევით, ნაგაძრალზე აიგო მოციქულების სახელზე გაძარი და აქვე დაფუძნდა მამათა მონასტერი.

გადმოცემით პეტრე-პავლობას, 12 ივლისს, გასულ საუკუნეში განსაკუთრებით ბოლნისში მცხოვრები ბერძენი მოსახლეობა აღნიშნავდა, ქართველები უფრო ნაკლებად. მათი საქართველოდან წასვლის შემდეგ შეწყდა აქ ხალხის მსვლელობაც და ღვთისმსახურებაც. გაძარიც ნანგრევებად იქცა, აქ მხოლოდ სანთლებს ანთებდნენ და საკლავს კლავდნენ. უფრო მეტად მაინც დარჩენილი ბერძენი მოსახლეობა აქტიურობდა.

2008 წელს, ზედ კლდეზე გაიჭრა გაძრის პირველი საძირკველი. დაიწყო ჯვარგუმბათოვანი გაძრის მშენებლობა, რომელიც 2015 წლის 24 ოქტომბერს დასრულდა და საზეიმოდ იკურთხა.

განძია - სოფელი ქვემო ქართლში. 2014 წლის აღწერის მონაცემებით სოფელში ცხოვრობს 518 კაცი. განძიაში დაიბადა სულხან-საბა ორბელიანი, აქვეა მისი სახელობის ლიტერატურული მუზეუმი. სოფ. განძია XIV ს-ის პირველ ნახევარში შეუსყიდა ქავთარ ქაჯფაძეს და შეუწირავს ფიგარეთის ღვთისმშობლის ეკლესიისთვის. 1559 წ. სიმონ მეფემ (1556-1600) განუახლა სვეტიცხოველს ძველად შეწირული განძიელნი მათი მამულითურთ. 1721 წ. აღწერით განძია საყაფლანიშვილოს სოფელია და იქ იყო მათი ზერები. ცხოვრობდა 39 კომლი.

განძიაში დაიბადა სულხან-საბა ორბელიანი(1658 წ), აქვეა მისი სახელობის ლიტერატურული მუზეუმი.

სოფელში შემონახულია ორი ეკლესია და სასახლის ნანგრევები. ერთი ეკლესია აუგია პაპუნა ორბელიანს 1670 წელს, ხოლო მეორე, წმინდა ნიკოლოზის ეკლესია – სულხან-საბას მამას, ვახტანგ მდივანბეგს.⁶

⁶ <http://ka.wikipedia.org/wiki>

განძიის მონახულებამ თითოს გააცოცხლა ჩვენს გონებაში სულხან-საბას მოღვაწეობის მთელი პერიოდი, დაგვაფიქრა იმ პერიოდის საქართველოს ბედზე, ავტობუსში ამ საკითხზე საუბარიც კი დავიწყეთ, გაიმართა სჯა-ბაასი და დისკურსიები ვახტანგ VI ისა თუ სულხან-საბას მიერ გადაღებულ ნაბიჯებზე და ვერც კი გავიგეთ ისე მივეუახლოვდით ქვეშის ციხეს.

ქვეშის ციხე შუა საუკუნეების ციხესიმაგრე, ქვემო ქართლში, მდ. მაშავერის მარცხენა სანაპიროზე, სოფ. ქვეშის მახლობლად). აშენებულია ველზე ამოზიდულ, თითქმის ყოველი მხრიდან მიუვალ მაღალ კლდეზე. თავისი მდებარეობით იგი სამშვილდიდან გაშირისა და ზურგაკეთ-ჯავახეთის მიმართულების გზებს აკონტროლებდა.

ქვეში მნიშვნელოვან სიმაგრედ რჩებოდა XVI ს. ბოლოსთვისაც, რაზეც მიაწიშნებს მისი არჩევა ქართლის მეფის ძირითად რეზიდენციად. თუ აქამდე ქვემო ქართლი იყო სამხრეთიდან შემოსული მგრისთვის ის ადგილი, რომელიც თავის თავზე იღებდა მომხდურთა პირველ დარცმებს. ამ დროიდან, მას შემდეგ, რაც შაჰ-აბას I-მა ქართლს მდინარე დებედას ხეობა ჩამოართვა და იქ ბორჩალოს თურქმანული გომი ჩაასახლა, მაშავერას ხეობის ციხეებმა კიდევ უფრო მეტი დაგვირთვა შეიძინეს. XVII-XVIII სს, ქვეშის ციხე საორბელიანოს მნიშვნელოვანი ციხე-სიმაგრე იყო, მისი მიმდებარე ტერიტორია ამ დროისთვის ჯერ კიდევ მხოლოდ ქართველებით ყოფილა დასახლებული, XVII ს. 40-იან წლებში ციხეში მნიშვნელოვანი სამუშაოები ჩაატარა მსახურთუხუცესმა ქაიხოსრო ორბელიშვილმა, XVIII ს. ბოლოსთვის ქვემო ქართლი აოხრდა და გაპარგახდა, შესაბამისად ქვეშის ციხეც დაცარიელდა. XIX დასაწყისში იგი უკვე რუსების ხელშია მაგალითად, 1812 წელს ალექსანდრე ბაგონიშვილის აჯანყების დროს ქვეშის ციხეში კავკასიის მთავარმმართველის გორმასოვის ჯარის ნაწილი იდგა.⁷

ციხის დათვალიერებისას გული სევდით ამესო. დგას ეს მრავალჭირგამოვლილი, ხავს-მოკიდებული, დაცარიელებული, ყველასგან მიტოვებული ციხე და ამაყად გადმოჰყურებს გარემოს თითქოს გვახსენებს მის მნიშვნელობასა და წარსულს, აღარ ჩანან მოთარეშეთა რაზმები სპარსთა თუ მონღოლთა, არაბთა თუ სელჩუკთა, მაგრამ ეკლესიამონასტრებმა თუ ციხესიმაგრეებმა გაუძლეს ჟამთასვლას და ის ჩვენი დღევანდლობაა, ხიდი წარსულსა და აწყმოს შორის.

პროექტის დასკენითი ეტაპისათვის უფრო საგულდაგულოდ მოვემზადეთ, წინასწარ გავეცანით ლიგერატურას იმ ადგილების შესახებ, რის ნახვასაც ვაპირებდით. ქვემო ქართლში მე-3 ექსკურსიის დროს მოვინახულეთ შემდეგი ტურისტული ადგილები: მანგლისის სიონი, დაშბაშის კანიონი და წალკის წყალსაცავი, მანგლისის სიონი ქართული მართლმადიდებლური საკათედრო ტაძარი. ისტორიული წყაროების მიხედვით, ამ ადგილას პირველი ქვის ტაძარი ქრისტიანობის სახელმწიფო რელიგიად

⁷ -ქართული ციხე-სიმაგრეები და ეკლესია-მონასტრები თბილისი 2008 (ვაჟა შუბითიძე, მაჭარაშვილი ბოლქვაძე)

გამოცხადების პერიოდში - IV საუკუნის 30-იან წლებში აგებულა. ლეონტი მროველის თანახმად, კონსტანტინე კეისრის მიერ მირიან მეფისათვის გამოგზავნილი ეპისკოპოსი იოანე, რომელსაც წმინდა რელიკვიები და უხვი განძეულობა მოჰქონდა საქართველოში ეკლესიათა ასაშენებლად, მცხეთაში ჩასვლამდე მანგლისში დაყოვნებულა, გაძრის აშენება დაუწყია და ქრისტეს წმინდა ჯვრის ნაწილიც დაუტოვებია. V საუკუნეში ვახტანგ გორგასლის მიერ დაარსებულ საეპისკოპოსოებს შორის მანგლისი რიგით მეოთხედ მოიხსენიება.

VII საუკუნეში მანგლისი ბიზანტიის იმპერატორ ჰერაკლეს შემოსევის დროს აოხრებულა და აქ დაცული სიწმინდეებიც გაუტაცებიათ. ისტორიული წყაროები მანგლისის შესახებ XI საუკუნის პირველ მეოთხედამდე ანუ გიორგი I-ის (1014-1027წწ) მეფობის ხანამდე ღუბან. მანგლისის სიონმა საბოლოო ცვლილებები (რომლებითაც დღემდე მოაღწია) განიცადა XIX საუკუნის შუა ხანებში, რუსული მმართველობის დროს, ეგზარქოს ისიდორეს ინიციატივითა და ადგილობრივი რუსული პოლკის ოფიცრების მცდელობით. ჯერ ლეკების თავდასხმებით, შემდეგ კი ალა-მაჰმად ხანის ლაშქრობის შედეგად დაზიანებული გაძარი გაწმინდეს და შეაკეთეს. მართალია. ამის შემდეგ წირვა-ლოცვა აღდგა, მაგრამ გაძრის ბევრი მნიშვნელოვანი დეგალი სამუდამოდ დაიკარგა.

თაღოვანი კარიბჭე დასავლეთ ფასადის მთავარი აქცენტია. ეს კარიბჭე XIX საუკუნეში შეაკეთეს, რაზეც მიუთითებს როგორც რუსული წარწერა რესტავრაციის შესახებ, აგრეთვე გადაწყობილი ქვებით შექმნილი ერთგვარი სიჭრელე. შესასვლელის მაღლა ორ რომბზე დამდგარი ჯვარია გამოსახული.

სამხრეთ ფასადიდან აღსანიშნავია ორთავიანი არწივის ჰერალდიკური გამოსახულება შესასვლელის მაღლა მდებარე ჯვრის თავზე, რომელსაც ერთ კლანჭში ჯვარი უჭირავს, ხოლო მეორეში - სკიპტრა. იგი XIX საუკუნის რესტავრაციის დროინდელია. იგივე მოტივი მეორდება გაძარში, საკურთხეველის მოპირდაპირედ მდგარ ხის საპაგრიარქო ტახტზეც. ზოგადად, ინტერიერში რუსული ხატების სიმრავლეს ცხადყოფს რაოდენი გავლენა მოახდინა რუსული პოლკის ხანგრძლივმა მფლობელობამ.

ქრისტიანული გრადიცია მანგლისის სიონს რამდენიმე მნიშვნელოვან სიწმინდეს უკავშირებს, მათ შორის უფლის სამსჯეალსა და წმინდა ჯვრის ნაწილებს. აქვეა დაბრძანებული იოანე მანგლელის თანხლები სასწაულთმოქმედი ხატი - მანგლისის ღვთისმშობელი. გადმოცემის თანახმად, სამხრეთ შესასვლელის პირდაპირ მდებარე ქვის ჯვრის ქვეშ თევდორე კველთელის ნაწილები განისვენებს⁸.

მანგლისიდან გეზი დაშბაშის კანიონისკენ ავიდეთ, ჩვენი ერთ-ერთი კადეგი ლუკა ფაჩულია, რომელიც ნამყოფი იყო აქ, შთაბეჭდილებებს გვიზიარებდა და გვარწმუნებდა, რომ ეს იყო ულამაზესი

⁸ ქართული ციხე-სიმაგრეები და ეკლესია-მონასტრები თბილისი 2008 (ვაჟა შუბითიძე, მაჭარაშვილი ბოლქვაძე)

ადგილი და წუხდა იმის გამო, რომ ზაფხულის სეზონი არ იყო და ბანაობას ვერ შევძლებდით, თუმცა ზოგიერთი ჩვენგანი ეჭვის თვალთ შეჰყურებდა ლუკას და ეცხობოდა, რომ ბოლომდე არ იზიარებდა მის შთაბეჭდილებებს. თანაც უკვე იმდენი ემოცია დაგროვდა, მაგრამ ნანახმა ყოველგვარ მოლოდინს გადააჭარბა.

კანიონი გამოთქმავებულია ვულკანურ (ბაზალტური ლავის) ქანებში, რომლითაც აგებულია მიმდებარე წალკის პლატო და ხრამის მასივი. მისი რამდენიმე ასეული მეტრის სიმაღლის ფერდობებს კანიონის სხვადასხვა ნაწილში განსხვავებული დახრილობა ახასიათებს.

კანიონი მერიდიანული მიმართულებისაა. მისი სიგრძე 8 კმ-ს აღწევს. კანიონის ფარგლებში გაბატონებულია ზომიერად ნოტიო ჰავა. ტემპერატურის წლიური ამპლიტუდა საკმაოდ მაღალია, რაც ჰავის კონტინენტურობაზე მიუთითებს, კანიონი ბუნებრივი მრავალფეროვნებით და ეფექტური პეიზაჟებით გამოირჩევა. მის ფერდობებზე მიწისქვეშა წყლების მრავალი გამოსასვლელი და ჩანჩქერია. გვხვდება როგორც ბუნებრივი, ისე ადამიანის მიერ გამოკვეთილი გამოქვაბულები.

კანიონის ფარგლებში და მის სიახლოვეს წარმოდგენილია რამდენიმე ტიპის ლანდშაფტი: ვულკანური კონუსები და პლატოები, ფართოფოთლოვანი (წიფლნარი, რცხილნარ-მუხნარი, რცხილნარი) ტყეები და მაღალი მთის სტეპები, კლდის ქსეროფიტული მცენარეულობა და ღერივატები, მეორადი მდელოები და ბუჩქნარები. ხეობა მრავალი სახეობის ცხოველის თავშესაფარი და გამრავლების ადგილია. იგი მნიშვნელოვანი ეკოლოგიური კორიდორია, რომლის მეშვეობით ერთმანეთს უკავშირდება აღმოსავლეთ და სამხრეთ საქართველოს ცხოველთა სამყაროს არაერთი სახეობა.

ლაშაშის კანიონის ძირითადი არტერია მდინარე ხრამია. მისი ხეობა არაერთი გეოგრაფიული თავისებურებით გამოირჩევა. სათავეში ქციის სახელწოდებით მოედინება, ხოლო წალკის წყალსაცავიდან გამოდინებისას ხრამად იწოდება. მან მილიონობით წლის მანძილზე ვულკანური მასივის ფარგლებში არაერთი კანიონი გამოიმუშავა, რომელთაგან ზოგი გაუვალი და უდაბურია. ქცია სათავედან წალკის წყალსაცავთან შეერთებამდე კლასიკური მთის მდინარეა, რომელიც ბოლო კანიონიდან გამოსვლისთანავე მღორედ მიედინება ქვემო ქართლის ვაკეზე. ხრამის კანიონები საგანმანათლებლო და სამეცნიერო ტურიზმის საუკეთესო ობიექტია, რომლის ფერდობებზე კარგად ჩანს რეგიონის გეოლოგიური განვითარების ისტორია.⁹

როდესაც მივაღექით ლაშაშს თავდაპირველად უარყოფითი განწყობა დაგვეუფლა, ჩვენ წინ გაშლილი დაღმართი და გალახიანი გზები იქ ჩასვლის ყოველგვარ სურვილს გვიკარგავდა, მაგრამ მასწავლებლის თხოვნით მაინც ჩავედით და ღღემდე კმაყოფილი ვართ, რომ მოგვეცა საშუალება გვენახა ულამაზესი ადგილი, შთაბეჭდილებები იმდენად დიდი იყო, რომ ღღემდე მოგვეყვება. პირადად მე ერთი

⁹ <http://kvemokartli.gov.ge>

სული მაქვს, როდის მოვა ბაფხული, რომ ჩემს მეგობრებთან ერთად კვლავ ვნახო ეს ადგილი და დავარწმუნო ისინი, რომ ქვემო ქართლი მართლაც გურისგულად მიმზიდველი რეგიონია.

წალკის წყალსაცავი სარკის ფართობით საქართველოს უდიდესი წყალსაცავია, მაქსიმალური სიღრმე 25 მ, საშუალო სიღრმე 9,3 მ. სამრდოობს ხრამისა და სხვა პატარა მდინარეთა წყლით, აგრეთვე მიწისქვეშა, თოვლისა და წვიმის წყლით. შექმნილია ბეგონის კაშხლით ვიწრო და ღრმა ხეობაში, ენერგეტიკული მიზნებისათვის გამოიყენეს 1946 წელს. დაბალი ღონე აქვს თებერვალ-მარტში. წყლის დაგროვება იწყება აპრილში და გრძელდება ივლისამდე, შემდეგ ხდება წყლის ხარჯვა. ღონე ინტენსიურად იკლებს ნოემბრიდან, როდესაც ჰესები მთელი სიმძლავრით. წალკის წყალსაცავთან სამახსოვრო ფოტოებიც გადავიღეთ და გულდაწყვეტილები დავბრუნდით უკან, რადგან ამით ჩვენი ექსკურისა ამ რეგიონში დასრულდა, არადა კიდევ რამდენი რამეა სანახაო აქ, რომელიც ყველა ქართველმა უნდა ნახოს და შეისისხლხორცოს.

განვითარების კარგი პერსპექტივები გააჩნია ქვემო ქართლს. მისი სიახლოვე თბილისთან, თბილისის აეროპორტთან და აზერბაიჯანის და სომხეთის რესპუბლიკებთან, მისი მდებარეობა სატრანსპორტო კორიდორების გადაკვეთისა და აღმოსავლეთ-დასავლეთის ენერგოკორიდორის ზონაში და ურბანიზაციის მაღალი ღონე რეგიონს განვითარების კარგ შესაძლებლობას უქმნის, მაგრამ რაღაც მაინც აფერხებს ამ მხარის გაძლიერების პროცესს. ამის მიზეზი რამდენიმეა, მათ შორის: ეთნიკური სიჭრელე, გურისგული პოტენციალის გამოუყენებლობა, მიწების აუთვისებლობა და ა.შ. შევეცდები სათითაოდ და უფრო კონკრეტულად განვიხილო ისინი.

სამწუხაროა, რომ საქართველოს ერთ-ერთ უძველეს ისტორიულ კუთხეში ეროვნებით ქართველთა ხვედრითი წილის ასეთი სიმცირე. ისტორიულმა ვითარებამ მოგვცა ის, რომ ქვემო ქართლის მოსახლეობის უმრავლესობისთვის ქართული ენა, მისი მნიშვნელობითა და გამოყენებით უკანა პლანზეა, ექსკურსიის დროს შევესწარით გულსატკენ ფაქტს: ბოლნისის ერთ-ერთ რიგით მარკეტს წარწერა სამ ენაზე ჰქონდა, ესენი იყო: აზერბაიჯანული, რუსული და ქართული. ეს უკანასკნელი ყველაზე დაბლა და ყველაზე პატარა შრიფტით ეწერა. ეს კი მოსახლეობისთვის ქართული ენის მეორე ხარისხოვნებაზე მეტყველებს. ჩვენი ვარაუდი განამტკიცა შემდეგმა ფაქტმა: ადგილობრივებთან ღიალოგი ძალიან გაგვიჭირდა იმ მომენტამდე, ვიდრე რუსულად არ გავუმეთრეთ იგივე კითხვები, თუმცა მინდა აღნიშნო, რომ ეს ძირითადად უფროსი თაობას შეეხება, ხოლო ახალგაზრდებს, ისინი სწავლობენ ქართულ ენას, როგორც სახელმწიფო ენას, რაც ძალიან მნიშვნელოვანია ამ მხრის განვითარებისთვის. ჩვენი ამრით, ასევე დიდი პრობლემაა ახალგაზრდა აზერბაიჯანელი გოგონებისთვის ნაადრევი ქორწინება, რომელიც დღემდე არ შეცვლილა, ამ მხრივ ვფიქრობთ, რომ დიდი სამუშაოა ჩასატარებელი, უნდა მოხდეს

სამოქალაქო ცნობიერების ამაღლება ამ კუთხით განსაკუთრებით უფროს თაობებში, რადგან მათი გავლენა შვილებზე ძალიან დიდია, ისინი იმ მენცალიგეგით იზრდებიან, რომ სწავლა არაა აუცილებელი ქალისთვის და მისთვის მთავარი ოჯახის შექმნაა, ეს კი ძალიან ბევრ ნიჭიერ ახალგაზრდას არ აძლევს განვითარების საშუალებას .

რეგიონში განსაკუთრებით კარგი პირობებია სხვადასხვა კულტურის: საადრეო კარტოფილისა და ბოსტნეულის ,მარცვლეულის, ხილის, ყურძნის, ბალჩეულის, მრავალწლიანი ბალახებისა და სხვა კომერციულად საინტერესო პროდუქციის საწარმოებლად. გულსატკენია, რომ მიწის დიდი ნაწილი აუთვისებელია. აღსანიშნავია,რომ რეგიონში აღრიცხული არ არის სასოფლო-სამეურნეო დანიშნულების მიწის მნიშვნელოვანი ნაწილი .ცუდი სიტუაციაა სარწყავი სისტემების მხრივაც. ის ავარიულია და სერიოზული შეკეთებასაც მოითხოვს. არხებს ესაჭიროებათ გაწმენდითი სამუშაოები, რის შედეგადაც, რა თქმა უნდა, გაიზრდება მოსავლიანობა. არადა ეკონომიკის განვითარება ხომ ადგილობრივთა დასაქმებით, მათი შემოსავლის გაზრდით , ქართული ბაზრის ადგილობრივი პროდუქციის მაგებითა და ექსპორტის გაზრდით მიიღწევა, ამას კი, ჩვენი ამრით, სჭირდება სახელმწიფოს მხრიდან თანადგომა და დახმარება.

დასკვნის სახით გვინდა წარმოგიდგინოთ პუნქტობრივი ჩამონათვალი ქვემო ქართლის პრობლემებსა და მის პოტენციალზე:

1. ტურიზმი - ტურისტული განვითარების თვალსაზრისით ქვემო ქართლი დიდ შესაძლებლობებს ფლობს. ამ კუთხის ბუნებრივ- გეოგრაფიული მდებარეობა, აგრეთვე კულტურული მემკვიდრეობა და ისტორიული ძეგლები ქმნის რეგიონში ტურიზმის განვითარების შესაძლებლობას, მაგრამ ვანდალიზმის უხვი ფაქტები და შეუსაბამო ინტერიერი აქვეითებს ტურისტების რაოდენობას.
2. ეკონომიკის განვითარება - ექსკურიის დროს ჩვენი ყურადღება მიიპყრო მსხვილფეხა და წვრილფეხა საქონლის სიმრავლემ, ჩვენი ამრით, ამ მიმართულებით შესაძლებელია აშენდეს ხორცისა და რძის გადამამუშავებელი ქარხანა, რომელიც ადგილობრივთა შემოსავალს კიდევ უფრო გაზრდის.
3. ტურისტული სააგენტოების თითქმის არარსებობა ამ რეგიონს დიდად აზარალებს. არადა კარგი იქნება ,თუ ამ მიმართულებით იქნება ნაბიჯები გადადგმული, რომელიც გაზრდის რეგიონში როგორც ტურისტთა სიმრავლეს ,ასევე სამუშაო ადგილებს.
4. ინფრასტრუქტურა - იქაც კი, სადაც ტურისტული ობიექტებია, არასაკმარისადაა ყურადღება მიქცეული მათ რეაბილიტაციაზე, უყურადღებოდ მიტოვებული დაშბაშის კანიონი, სადაც ჩასასვლელი გზაც კი არაა, ასევე ვანდალიზმის ფაქტები, რომელსაც ყურადღება ჯეროვნად არ ექცევა, ან თუნდაც ღმანისის

ნაქალაქარში მოუწყობელი და დაუსუფთავებელი გარემო, ანალოგიური ვითარებაა ტანბიაშიც. გურისგებისთვის ეს ადგილი ნაკლებად მიმზიდველია.

ამიტომაც კარგი იქნება, თუ ამ პრობლემებს საბოლოოდ გადავჭრით და ქვემო ქართლს ვაქცევთ ერთ-ერთ მოწინავე გურისგულ რეგიონად და ბოლოს რაგომ მაინც და მაინც ქვემო ქართლი? ჩვენ ვეცადეთ ამ კითხვაზე ამომწურავად გაგვეცა პასუხი, ჩვენი მიზანი იყო გაგვერცელებინა ინფორმაცია, თუ რა პრობლემებისა და პოტენციალის მქონეა ქვემო ქართლის რეგიონი. ამ მიზნის მისაღწევად პირველი ნაბიჯი გადავდგით, როდესაც კადეტთა სამხედრო ლიცეუმის კლუბში მოვაწყვეთ ჩვენი ექსკურსიის შესახებ პრეზენტაცია და გავაცანით დამსწრე საზოგადოებას ამ მხარის პრობლემები და პერსპექტივები, ჩავატარეთ ანკეტიური გამოკითხვა: შეეცვალათ თუ არა წარმოდგენა ამ რეგიონის შესახებ. გაიგეს თუ არა რაიმე ახალი ამ მხარეზე და სურთ თუ არა მომავალში მისი მონახულება, შედეგები დამაკმაყოფილებელი აღმოჩნდა. უდიდესი კმაყოფილება ვიგრძენით, რადგან მივხვდით, რომ ჩვენმა პროექტმა დასახულ მიზანს მიაღწია. მოსწავლეებმა გაიგეს ახალი ინფორმაცია ამ მხარის შესახებ და დაახლოებით 25%-ი აპირებს ამ რეგიონის მონახულებას. ჩვენი შემდეგი ნაბიჯი კი არის რეგიონის პოპულარიზაცია გურისგული მიმართულებით, რა მიზანსაც ემსახურება ჩვენი მოკრძალებული თემა., ვიმედოვნებთ ჩვენ ეს შევძელით !.

თემას თან ერთვის დისკი , რომელზეც ასახულია ჩვენი მარშრუტი სლაიდ-შოუს სახით.